

晉州姜氏世譜卷一

序

昔在甲子 我先君子 以恭穆公墓齋隧碑之事 發議修譜 役未半而棄世 不肖繼之 庶云完役 而忽忽爲四十年 世故無窮 南北割斷 恭穆公墓所 入于彼域 省掃無路 痛恨岡極 今又因通亭公墓事 修派譜之議發焉 嗚呼 惟我通亭先祖 以德行文章 仕高麗至政堂文學 入李朝爲東北面都巡問使 墓在漣川郡西江內之原 而雲仍滿一國 丁酉夏 與聯合叅謀本部長 宗人英勳中將 馳省塋域 則庚寅之亂 封塋爲塹壕 儀石爲砂礫 而地爲禁人出入之區 權爲封墳 謀所以守護之策矣 越二年己亥 英勳將軍 適出爲六軍團長 則此地實屬其管下 乃與在京宗人義秀重熙興遠諸人 謀議改封具石 而祭田 盡入戰地 無以爲祀享 僉曰方經大戰 先墓失守 子孫分散 際茲修譜 立成財團 則守護之道 祀享之具 自可辦矣 敦本睦族 一舉而得矣此始議之所以發 而今事垂於成者也 茲譜雖曰派譜 單至三萬 帙過一千 實前日大譜之所未有也 從此以往 凡我同譜之人 時時奉覽 各興孝悌之心 而扶植美風 則豈非吾

宗之慶幸也哉 僉宗 以余 爲始終在任於是役也 命序一言 辭不獲已 然 昔五代祖毅庵公 丙戌譜跋 曰 敢以某之不肖而續題於贅齋公之下耶 毅庵公 以贅齋公之曾孫 文章德行 克承家業 其自謙 若是 顧蔑學無狀 其於先業 萬無一述 而敢載名篇端 豈非僭越之甚哉 是役也 殫心竭力終始賢勞者 皆錄于篇末 以備他日文獻 而其間 有己爲各天 不及見今人之人 可勝恨哉 可勝恨哉 檀紀四千二百九十六年癸卯臘月下澣後孫大崑謹序 跋

譜也者 譜其繁而不忘本也 不忘本者 焉有不敦睦者哉 我譜之作 始自肅宗乙丑 或七八十年 或至三四十十年而續修 蓋其世代往而子姓愈蕃 非譜 將何能收其闕漏哉 今茲派譜之議 出於漢陽晉州兩大譜分帙十年前後之促 何也 子姓雖蕃家國昇平 則或三其十 或十其四 歲非久遠 事有可濟 今則大不然 往在庚寅之亂 山河焦土 民人魚肉 離親棄墓 背鄉就生 此不修譜 視至親 爲路人 忘先墓如廢壠 將未可知也 譜不其急乎 然則不能大同何也 議未定故也 於是 僅就通亭公以下之派

成譜焉 蓋通亭公墓所在 漣川治西江內陵村之原 不幸處陣地之  
渦 前塹後壕 不忍正視 己亥夏 族兄大崑氏 爲是之憂 首發守  
護之策 氏 世居墓下 慕先之誠 甚勤且切 大非外他宗族比也 余  
與在京宗人義秀興遠周煥諸氏 謀所以鳩財興復 時宗人英勳將軍  
適以六軍團長 黽勉從事 改封具石 然墓田 盡入戰地 苾芬無路  
僉曰 修譜然後 慕先之誠 可得 得其誠則財可聚 財可聚則事可  
濟矣 事濟然後 敦尚孝悌 則是譜也 可謂兩盡其美矣 議遂合  
設廳於京 任司以誠 各門諸宗 同聲相應 不二週期 而功告訖  
莫非先靈之默佑者耶 譜規 一遵舊譜 體制 從權變通 比舊益覺  
簡便而詳贍 實吾宗之寶典也 凡我同譜之人 更加勉旃 永垂方來 是  
所區區之望也 如余陋劣 猥蒙一言之辯 自知僭妄極矣  
癸卯冬後孫重熙謹跋

舊譜序 跋

乙丑譜序

南漢譜

晉山之姜 吾宗也 自 鼻祖元帥公以后 世有冠冕 名公鉅鄉 赫赫繼

武爲東國大姓者，千有餘祀，支分派別，兄弟之子爲堂從，堂從之子若孫，爲再從三從，而後屬，寢疏終歸於路人然，顧其初則一也。何忍昧昧不知其今之雲仍，爲昔某公之支派，而視之若路人哉。嗚呼，此譜之所以不可不作，而其有關於追遠，而敦叙者，非淺鮮也。宗人姜都事頌老甫，專精致力，考出世系次第，纂成一譜，別錄其子孫，而宅相以下，不與焉，以同宗爲重故也。其追遠之誠，敦叙之誼，實在斯譜，而吾宗之一大幸也。蘇老泉族譜引，曰觀吾譜者，孝悌之心，油然而生矣。余亦曰觀斯譜者，亦足以感發其善端，而無復有路人視之歎也。况當衰替不振之日，苟能因斯譜，而上念祖先之遺烈，而務自奮起焉，下勵子孫之頹習，而期以立揚焉，芝蘭玉樹之寶，滿於謝氏之庭，高車駟馬之慶，溢於于公之門，使之轉今而回昔，則抑可見斯譜之有助，而尤不爲幸中之幸歟。噫，老者勸之，少者勉之，則茲亦不難致也明矣。諸君，以余齒最長，強請爲之弁辭，不獲，於是乎書。

歲丁未清和之閏下浣，不肖後孫通訓大夫承政院左承旨兼經筵參贊官春秋館修撰官瑜謹序

號商谷黃海監司 贈吏判諭忠穆公掌令公后

跋

南漢譜

於戲，譜可無也，亦不可無也。古者，敦叙九族，時庸展親故，恩無違族。

義不廢親 倫紀修而風俗厚 當是時 譜可無也 逮夫降而後也 宗法一壞 世道益下 切總袒免之親 至有不識面者 卒與之相遇 則曾不知其叔姪兄弟之序 視之殆同於路人 甚者 不啻如仇讎 尙何望其叙族親倫紀日以壞 風俗 日以渝 肆後之君子 有懼焉 於是乎作爲譜牒 使人人 莫不知其先系之所自出 後派之所有分 有以興孝悌之心 而勉敦睦之行 裁厚薄而均其恩 審輕重而節其義 則譜亦不可無也 晉山吾姜氏之爲世族也久矣 子姓綿延 簪纓相襲 名公鉅卿 世濟其美 德業文章 載在國乘 至今班班照人耳目 何莫非貽謨積善之致然也 而惟我元帥公以後 殆將千餘載 其間世系多所失墜 盖由於譜牒之不傳 而豈亦謂其可無也而不之作也耶 吾宗人沁洲經歷碩老 懼先蹟之或就泯沒 憫後屬之寢以疏遠 反覆詳證 質疑辨訛 勤搜博訪 纂成世譜 宗派則遍及遐陬 而無論乎貴賤 盖恐宗系之或漏也 外枝則只錄宅相 而不及於遠裔 盖慮其外姓之相混也 至於元帥公以下十六代 得之於嶺南宗人之家譜 意或有代數之顛錯 名字之訛誤 不敢斷然爲是 亦不敢闕然不收別錄于 始祖之後 亦出於傳疑之意也 吁 其用心 亦勤矣 其亦有見乎譜之不可無也歟 譜旣成 藏諸巾衍 有年矣 今長湍府使碩

耆即其季也 曾爲湖南之茂豐府 宗人之同時出宰湖嶺者 又若而人與之往復相議 將劄闕而行之 未及始手 遞以事罷錄 常自慨然 不釋于心矣 及典府使 遂乃縮廩捐俸 鳩財募工 未數月而告訖 噫 千年所未成之譜 成於迺兄之手 而迺其弟 克卒其事 以壽其傳 斯亦元方季方也已矣 顧安知夫吾先世遺教餘澤 百世不斬 天寔默佑於冥冥之中 而其亦有待於今日也耶 嗚呼 聖人制禮之意 豈偶然哉 上殺下殺 以至旁殺 而正統則雖遠祖 猶服齊衰 所以崇愛敬之實也 同宗則雖百世不通媒妁 所以勉敦睦之意也 一人分爲兄弟 兄弟而至於親盡者 勢也 勢者 雖聖人 亦無如之何故 服以叙其親 譜而合其族 譜者 蓋所以明其服雖可盡 而情不可盡者也 其不可盡者 不與其可盡者 而同盡則譜者 安可無也 從今吾宗之得此譜者 皆能詳其所自出 而攷其所由來 知吾身一源之分 而崇其愛敬 重同宗百世之誼 而勉其敦睦 以不墜祖先之家訓 以永樹喬木之風聲 退而修諸家 進而施諸國 贊興禮樂 儀範當世 則其所以管攝人心 收宗族而厚風俗者 宜在於斯 斯其所以不可無也 在昔唐堯 克明峻德 以親九族 推以至於平百姓而協萬邦 今我 聖上 旣自明其明德 又能親親而仁民 爰命一二臣 設釐正廳

璿源寶錄 煥然重新 而吾宗譜牒之刊行 適當斯時 則一國臣民 舉國於平章協和之中 而吾宗諸人 實先與焉 譜牒之作 豈特一家之所不可無也 抑亦爲國者之不可無也如是夫 乙丑天中節後孫通訓大夫前行兵曹正郎兼春秋館記注官錫圭拜手謹跋

號整齋官知製教 贈禮判醉竹公會係

### 丙戌譜序

達城譜

吾宗譜牒 始刊於 肅廟乙丑 其時宗人 合辭以跋文 屬我曾王考聲猷公 今茲重刊也 猥徵一語於趾煥 是將使余 益章其忝先之羞也 請以此意 告我宗門 俾爲鑑戒之資可乎 嗚呼 天下萬姓 夫孰非再易二變而惟吾姜 起自邃古 幸不爲許呂之變易 而獨保舊氏 傳至今 源遠流長 世更有如吾姜比者乎 商周清廟之頌 皆作 於聖人之手 而推本於玄鳥墜卵 溯源於夏帝武敏 盖所以不忘其得姓之本 而自慶其流澤之遠也 昔陳淳 問冬至祭始祖 言何祖 朱子曰或謂受姓之祖 如蔡氏 則蔡叔之類 或謂厥初生民之祖 如盤古之類 古人於得姓之 鼻祖其致意之重 如是 而東俗 孤陋 鮮有知此意者故 吾宗人 亦未必自知其姓之貴於萬姓也 是可愧也 况自 元師公東來二千年 赫葉光顯 世有聞人 史不絕書 何如其盛也 而顧今諸宗 并皆衰微零替 殆無自表見於

世舊家遺風 墜落都盡 此趾煥之所自愧 而宗門之所宜戒者也 嗚呼  
今距乙丑 八十有一年矣 年代漸遠 支派已繁 而譜系 便成闕典 不相  
統屬 無以識別 益增門衰之歎 而頃年清州宗人所刊本 攷據不詳 義  
例或舛 不足爲徵信於今與後 嶺南宗人糾氏 爲是之懼 竭誠殫思 費  
了籌畫 取宗人樵氏 所嘗修整者 以活字印行之 其積年纂輯之誠 銳  
意成就之功 俱不可不錄也 其請跋語於余者 非謂余能言也 蓋以余  
適承乏 暇守鷺城 與聞末議也 又以爲贅齟公之後承 而責以繼述也  
顧余生於八代文獻之家 幸竊科名 而倥侗無文 識題跋之作 本無已任  
况敢以趾煥之不肖 而續題於贅齟公之下耶 在趾煥則固爲榮耀 其於  
辱祖先而羞宗門 何哉 雖然 使吾宗 視趾煥爲戒 知忝先之爲可愧 則  
必惕然警懼 雖欲自菲薄 而不可得矣 是則余一言之僭妄 或可爲吾宗  
門他山之石矣 茲敢不辭而略識其自訟之意 使書于卷末 以示宗門云  
爾 崇禎三周丙戌天中節後孫通訓大夫前行司憲府持平趾煥拜手  
謹跋 號毅菴官承旨贅齟齋公會孫

庚寅通亭公派譜序

靈光譜

自一而萬 卽天地自然之數也 天地之理 吾其性 天地之氣 吾其心 又

安得無其數也 蓋自一人之身而兄弟生焉 兄弟之子爲從 從之子爲再  
從 以至於過袒免而遠則譬之若一源之水分爲千派萬流 同入于海而相  
逢不相識也 於是乎古之君子爲之譜 譜者 譜其族也 鼻祖元帥公 始  
顯于晉 式至今千有餘年之間 或以道學 或以文章 或以勳業 或以名  
節 蔚然爲東方世家而後屬 寢踈 先蹟隨泯 徃徃有巾笈私乘之藏而不  
能庇四方散處之族則譜可已乎 南城之刊世已遼遠 西原之印編 或訛  
謬 譜可已乎 余自十數年以來 有志於此事 取則於幽柯 寓誠於殷鑑  
撫實祛僞 分編起例 存百代親親之誼 象五行生生之序 秩然立目 瞭  
如指掌 庶可爲一家之史而僭猥之誚 不敢辭也 戊子冬 省楸于武靈之  
利興 靈之族 自我司評公始而環靈而居者 亦多焉 僉曰譜可梓也 余  
起而拜曰吾志也 敢不唯命 因加讎校 始乃成秩 微靈之族 其誰與偕  
翌年夏 提川熙臣氏 龍宮之圭氏 俱以通亭公長派 次第來會 猶恨其  
不能早圖也 一遷其所 十易其月 幾招覆轍之譏 幸免虧簣之歎 一字  
半行 莫非精力之所及 譜事之難 其亦憂憂乎難矣哉 噫 吾之性情先  
祖之性情也 思所以順之 吾之心志 先祖之心志也 思所以述之則一身  
天地各自底於和平廣大之域而自一而萬者其將自萬而一矣 可不休哉

聊以自勉而勉人 至若弁卷之文 尤何敢然 識其事 亦吾志也 不揆蒙  
陋 略叙梗槩 如右云 後孫進士元會謹序

號述窩進士毅恭公孫

### 辛酉譜跋

### 貞洞譜

吾姜之合譜蓋久矣 源遠流長 子姓蕃衍 散處四方 不能相統 而派譜  
亦作矣 自一人而爲兄弟 由功總祖免而至於親盡者 勢也然 自祖先觀  
之 均是子孫故 譜以合之 所以明一本而親百代也 然則派譜之作 蓋  
爲不得已而抑亦吾宗之不幸也歟 族大夫在五氏 慨然於斯 謀所以合  
譜而族兄承旨漢赫氏 議與之克合 於是 各引其家藏舊本 以爲筆削之  
案 蓋皆爲追述其先人未卒之業也 以永夏與聞未議 使之參定譜例 余  
辭不獲 則竊以爲自夫宗法廢 而所以收宗族厚風俗者 譜牒有遺意焉  
然 人家遺派既蕃 書有所不能盡其法焉 則派譜之作 亦理勢之所必有  
而其爲譜也 未免割恩於同禰之親 絕統於繼始之宗 而譜派又廢矣 故  
余嘗忘僭竊取小宗之法 以爲小譜 常恨大譜之不復作 乃今得見大譜  
之作 而追百年未遑之典 成百代展親之誼 則其事甚難 其意甚勤 而  
其爲吾宗之幸 亦大矣 蓋吾晉山之宗 以博士公 爲中始祖 而傳至九  
世 分以爲三十餘派故 九世以上 合之 姓以統其所自出 十世以下 派

之氏以別其所由分。上殺而明，系止於四世；下殺而叙，服盡於三從。是則合譜之中，實具派譜。而大宗小宗之法，得以行乎其間矣。噫！凡吾宗之同斯譜者，繼自今，各得展親，惇宗雖遐遠之族，猝然相遇，得叙其兄弟叔姪之行，而無路人視之歎也。是則吾宗之幸，豈特譜牒之成而已哉！永夏於此，竊有恨焉。凡吾宗姓之漏舊譜而不得與於今譜者，何恨！是由文獻無徵也。苟文獻足徵，安知不為某祖之孫而不得與之同譜？是甚可悲也。故妄以為明系，莫如紀年合族；莫如聯地，欲徵文獻，莫如備述事文。此又譜例之不可闕者也。昔者呂東萊譏學者欲知草木虫魚之名而不知其來歷，程夫子亦嘗歎人無百年之家者。譜牒不修，文獻無徵，雖欲追遠展親，其可得乎？吾宗之譜，今幸而成。凡我同譜之人，苟能各親其親，各長其長，以推極乎尊祖敬宗之道，視九族如一身，親百代如一家，則收宗族厚風俗者，亶在是矣。是豈特吾宗之幸，抑亦世道之幸也歟！不揆僭妄，參定譜例，猥蒙不棄，自幸一得，略叙梗槩，以識其實云。後孫永夏謹書。

號自求寓學行監役連窩公從孫

### 辛丑譜序

漢城譜

吾姜四派之合譜，往在哲廟辛酉，而吾先君子與承旨漢赫氏合謀續成。

者也 先君子序文 詳載其首尾 事實 余小子今不敢疊架而其述先繩武之責 顧在小子身上 小子亦何敢怠忽叢挫 自墜先人之遺志乎 蓋嘗論之 追先之本 在敦宗 敦宗之道 在修譜 周禮少師氏 掌民國之志 以奠繫世辨昭穆 此譜牒之所由起也 夫千章大木 枝葉益茂而究其始則一本也 萬里洪河 派流浩汗而溯厥初則一源也 呂東萊嘗曰 尋其葉可以知其本 尋其流可以知其源 人之同一祖而分爲千萬者 若千萬其家而不知所以一之 則是忘其本源也 烏可曰追先敦宗之義哉 此合譜之所由始也 晉陽之姜 同祖於 元帥公 肇基於大鳳山 中葉炳靈 蔚爲吾東之望族而歷二韓羅麗 世古代遠 文獻多闕 代系未詳 此乃淳古之世 譜牒未修 兵燹之餘 子孫散亡而然矣 逮至御史公以後 大將軍公兄弟 恭穆公 通亭公 通溪公 兄弟 相繼而出 嶽瀆鍾靈 棣萼交輝 勳業文章 赫赫烈烈 宗一代而輝千載 本固源深 宜其支流之蕃衍靈長也 子孫之散在四方者 無慮爲千萬人而派分支裂 家乘派牒 散而不合 無以展親親之誼 先君子是用慨歎 與二三同志 積慮累功 遂合御史公以下四派之譜而一之 使上下千餘載間 一開卷而親疎遠近 昭穆序次 瞭然在掌上 此誠曠世之美事 稀覯之睦意也 今距辛酉四十餘年 幼者壯

老者沒 其嫁娶生卒仕宦之可識者 多闕 而若復優遊荏苒 不繼補則是  
使先人美規 遂廢而不舉也 爲其子孫者 寧不惕然而感 怛然 而懼乎  
乃與叅判友馨 爛商詢議于京鄉諸族 鳩財募工 仍繼辛酉譜而合成之  
嗚呼 譜豈易言哉 程夫子有言收宗族厚風俗 使人不忘本 循是明譜系  
歐陽公曰人不知姓之所自而昧昭穆則禽獸不若也 古人所以眷眷於敦  
世教厚風俗者 必先於此者 誠以 譜系之敦叙 爲親睦之基本也 噫 自  
吾身視之則疎遠而在袒免之外者 自先祖視之則均是一子孫也 一視同  
愛 豈有親疎厚薄之別於其間哉 吾宗之有斯譜 卽欲體先祖之心者也  
體先祖之是心 而以視吾族則豈不疎者爲親 遠者爲近 雖百世之久而  
視之如一室者乎 然則斯譜也 不可一日廢弛 後之人 繼此而隨闕隨修  
永期合同則吾宗之追遠敦宗 可以不讓於古人 而大有光於祖先之志  
矣 凡爲吾同祖之子孫者盍觀于此 工既就 諸族人 請余爲文而弁之  
余於斯譜 尤有所感慕者存 追念辛酉 手澤尙新 余小子非敢曰繼志述  
事而竊自喜先君子遺志 賴此編而不泯默爾謹敢齊手以序  
後孫前文案文會拜手謹書

號竹雲官文案醉竹公后辛丑譜都有司

### 丁卯譜序

### 漣川譜

吾姜之譜 宣廟以前之冊則世無傳焉 肅廟乙丑 南漢譜作 繼以清州  
達城 西倉 御谷 晉州譜成 較其年數 未甚相遠而今日之續修 何也  
先祖恭穆公壽藏 已五百餘年之久矣 齋字傾頽 幾乎薦藻無所 墓道  
曾無一片表頌之石 此乃爲後孫一大遺憾 而居近日擊者 尤非居遠耳  
聞者比也 居近諸宗 會議決算 輪告於同祖之裔孫 請義捐金 建齋數  
十間 所收不及所費之半 而猶未暇乎豎碑矣 屬長湍秋享之日 遠近  
諸宗 合席起議 又設恭穆公派譜而以學秀漢宗兩氏 薦都副有司 永老  
氏 薦總務 印通發行之際 學秀氏奄忽 漢宗氏 以老病辭 永老氏獨行  
其勞焦思慮 更與諸宗 薦定任員 以冀欽氏爲首任 學秀氏 子大崑 憾  
其先君未遂之志 襲行掌財之務 不數朞而譜已成 建齋豎碑兩件事 從  
而就緒 此可見衆山之木 能支大厦 百谷之水 能致深淵者 而抑豈非  
祖先在天之靈 所眷佑者耶 粵在甲寅 有事於文敬公先祖墓所 而御谷  
譜成 壬戌 有事於貫鄉舊基 而晉州譜成 今日 有事於恭穆公先祖墓  
所 而派譜成 誠所謂日雖不同 而事則相符 讀吾譜者孝悌之心 油然  
有不可遏者矣 吾宗之幸 莫京於此 而漢宗氏 冀欽氏 亦遽爾捐世 顧  
念經始之初 不無存沒之感 如予無狀 不敢贅言而亦嘗數年參任故略

叙顛末焉

丁卯霽月中澣恭穆公十七代孫世永謹序

號乎汕三山公后

晉州姜氏世譜正系

始祖姜以式

兵馬元帥事見別錄○享鳳山祠○後孫錫夏贊曰 鶴野臨戒 踵尙父鷹揚之烈 鯤岑毓慶 啓德祖蟬聯之榮 然 眉山譜牒之無徵 故 龍門 世系之有闕

遠代孫啓庸

見下

渭庸

司徒少監 事見國史 子女老 文檢校 冲 軍器寺事 泰 嘉善大相 健

諱啓庸 一世

文科國子博士 高麗元宗甲戌 以通信使書狀官 入日本 還封晉山府院君 掛冠不仕 事見遺事○後孫錫夏贊曰 緇惟講帳 儼師道於靈宮 組帶青衿 想成均於賢館 平生一節 專對金烏之邦 大名千秋 永繫朱雀之影

子引文 二世

文科殿中內給事 博士公之入日本也 公 從行 忠烈王辛巳 再征 以公會知道里 又舉爲通信書狀官 赴日本 還不復仕 戒子 孫勿業儒術 事見輿地勝覽○後孫錫夏贊曰 叔孫氏之玉帛 二代出疆 博望侯之星槎 八月泛漢 楚與宋開 解 楊屢濱於危 齊 失晉和 固 高幸脫於禍 陸生之有文 奚取 庚家之遺訓 斯勤

子師瞻 三世

由吏進 忠烈朝 監察御史 墓 慶尙南道今陝川栗谷面甲山里云而失傳 後孫 設壇祭之 有壇碑 舊譜云 判內議令參理副使 似 是以孫文敬公之貴 而贈是職也○後孫錫夏贊曰 教存鯉庭 貴含光於混世 止止爲府 諒辭尊於居卑 小雅篇中 休歌鹿鳴之什 長安市上 競與聽馬之謠

長男昌富

精勇衛大將軍晉陽君 墓 甲山先塋失傳 壇碑 如上儀 傍孫 應教世白 撰碑文 子璜寶 宰臣 啟寶 郎將 鳳城君

二男昌貴

見下

三男昌壽

三司左尹 女適修文 殿學士茂松尹紹宗

子昌貴 四世

由吏進 版圖正郎 忠穆王丙戌 以鷄林判官 移任永川 贈重大臣門下侍中 晉京府院君 墓今陝川甲山里壬坐○配永嘉郡夫人安 東權氏 父 閤門祇候 允保 祖 檢校將軍 封金榮光祿大夫 尙書左僕射 子與 曾祖 尙書左僕射 上將軍 守洪墓雙封

○後孫錫夏替曰 先志克遵 恥隨賈於計吏 下位終屈 甘晦跡於潛郎 張侯之宦 不成 豈非天意 王氏之福 未艾 大昌雲仍

### 子君寶 五世

忠肅王 甲子南宮敏榜 登第 歷政堂文學 僉議評理 藝文館大提學 三重 大匡門下左待中 封鳳山君 致仕還鄉 洪武庚申卒 諡文敬公 墓今高靈郡御谷丙坐 有李牧隱穡 權陽村近 挽詞 見遺事 ○配鷄林郡夫人金氏 父典客令呂珍祖太子詹事天錫曾祖 殷公 洪武壬申卒 墓京畿臨江縣 代谷村 失傳 ○後孫錫夏替曰 陳孺子之讀書 杜元凱之好學 早鵬鸞於雲路 遂鴻漸於天衢體道經邦 替新化於台席 疏封列爵 食舊德於名卿

### 長男著 見下

### 二男莖

文科壯元 我 太祖朝戊戌拜 檢校左政承不就 諡良偉公 墓 抱川 內洞面任萬洞 ○配貞敬夫人 星州李氏 父 侍中仁任 祖敬元公褒 曾祖 政堂文學 文烈公 兆年 子 策 宗簿寺正 籌 叅判

### 子著 六世

號養真堂 忠肅王己卯生 八歲補延陵直 恭愍王丁酉 成均試廉與邦榜 登第 版圖判書 密直副使 端誠輔理 推忠補祚功臣 三重 大匡 商議門下贊成事 同判都評議司事 判繕工寺事 左右衛上護軍 封晉山府院君 建文庚辰卒 諡恭穆公 墓 臨江縣樓 足里西坐 權陽村近 撰碑銘 事見麗史 ○配 貞慎宅主 晉州河氏 父 晉川府院君 元正公 松軒樞 祖 精勇衛護軍 直潞 曾祖 司直 保 外祖 判密直 鐵城君 固城李瑞 忠肅王 戊寅生 己卯卒 墓 坡州 大慈菴 山麓失傳 後孫錫夏替曰 氣 度恢弘 風彩嚴重 蒼門建節 范孟博之澄清 紫樞柄機 司馬光之勳業 躋于廓廟 重新晉國之封 大其門閭 果驗于公之德

### 長男淮伯 見下

### 二男淮仲

字 仲父 號通溪 洪武壬戌 以典農寺丞 柳亮榜 登第 官至寶文閣 大提學 與崔瑩 討平耽羅 事載耽羅 誌 太祖御極 初徵以刑參 再徵以兵參 三徵以兵判 世宗辛丑 又徵以摠制 皆不就 墓 高陽 大齋西 子坐失傳 後孫應教世白 立祠尚州鳳頭里 祠號景德 后孫必孝 撰記 丁酉 尋得墓所 建碑立齋 安東金潤 東 撰神道碑銘 后孫孟熙 述墓表 ○配宜寧南氏 父 判事徵 生一男 墓 雙封附左 ○配全州崔氏 父 通政 知成州事 寧 祖 同知密直司事 完城君 乙義 曾祖 典校署丞 思儉 外祖 判事 南陽洪普賢 墓 高陽 德水失傳 設壇公墓右 子 安壽 禮賓寺小尹 贈戶曹參判 安福 正郎 贈兵曹參判 安命 孝子

### 三男淮順

字 伯 兵參 佐命功臣 父 理 司宰少監 ○配金氏 父 理 一作宰臣 ○配順興安氏 父 替成事 沼

### 四男淮叔

字 正 父 諸衛將軍 洛川郡守 一 作宰臣 ○配順興安氏 父 替成事 沼 墓附 ○配南陽洪氏 父 世俊 墓 同體長坐 子 孝孫 以孝 命旌 孝昆

### 五男淮季

字 季 父 恭愍王 甲辰生 恭讓王 己巳 金汝知榜 登第 封晉原君 麗朝革命 與禹成範 同日被禍 事見麗史 ○尚 恭讓王女 敬和宮主 外祖 昌城君 盧禎 子 廉 文科義禁府判事

晉州姜氏通亭公派譜卷之一

首編初傳

博士公諱啓庸 六世孫通亭公諱淮伯派 自七世至十一世

淮伯

字伯父號通亭 恭愍王丁酉生 丙辰鄧摠榜登 第歷成均祭酒 密直提學副使 簽書司事推忠 協輔功臣與圃 隱鄭夢周陶隱 李崇仁建議革 胡服襲華制 恭讓朝以判密 直朝京師歷史 曹判書藝文館 大提學政堂文 學兼大司憲劾 趙浚等流晉陽 本朝特起復為 東北面都巡問 使兼兵馬水軍 節度使永興府 尹固辭不允建 文壬午卒 贈崇政大夫議 政府左贊成兼

子宗德

蔭監察麗朝革 命退居安東勿 溪村 本朝舉 遣逸拜司憲府 掌令不就墓安 東甘泉縣井田 里亥坐旁裔孫 應教世白撰碑 陰記 配慶州李氏父 簽書月城君廷 堅祖將作少監 毓會祖月城府 院君敬中外祖 密直副使光山 金天利墓甘泉 尊堂峴辛坐

子子慎

字慎之 洪武丁丑生蔭監察知 郡事 世祖朝錄原從功臣 景 泰甲戌卒墓長湍大位里斗容谷 良坐男舍人居孝撰碑陰記 配慶州李氏父牧使蟠祖開城尹 彰路會祖左議政鶴林府院君益 齋齊賢外祖同知事全城君全州 崔乙義洪武甲戌生辛卯卒墓公 塋後今津東面哨里大位洞村后 右麓

子居仁

成化甲午生員 因洪湜南陽人父司直義 汝方曾孫 南崇年英陽人父進士 配豐基秦氏父仁壽府丞有緯祖郡守治會祖 副令少遊外祖漢城尹權誼 井邑縣監

子居義

家乘云文科翰林族譜云蔭知印或曰以翰林 忤任士洪左遷知印未詳孰是 配南陽洪氏父大司憲興祖漢城尹益城府院 君深

子居貞

通贊家狀作別提 配慶州金氏父監察確

子居忠

監察一作判官 配每溪芮氏父監司承錫祖監務思文外祖耽 津安福

子居孝

字友于 正統丁巳生己卯生員己丑葬壽榜

華子壽永更到女忠義金粹澄直 致晶子彥卿萬戶熙卿萬戶

子謹世

无后

子恭世

見二卷 一

子世明

見二卷 四九

子世雲

見二卷 五一

子世弘

見二卷 五二

子世昌

見二卷 七三

李慶延安人文承旨 申匡祉平山人參奉父監察億 年子孝曾參奉

子世規

見二卷 七四